

# TOURRO-LOURO-LOURO

Tourro-louro-louro! lou gau canto

E n'es pas incarojour;

léu m'envau en Terro Santo

Pèr veire Noste Segnour.

- Vos-tu veni?

- Nani, nani.

- Vendras proun bèn !

- N'en farai rèn.

- Guihaume ! Guihaume !

Au mens s'iéu noun tourne plus, fai-me dire unei set Saume.

Hélas ! moun Dieu !

Que farai iéu ?

Siéu pavourous coume un poulet,

Quand siéu soulet,

Quand siéu soulet.

Tourro-louro-louro! L'auro meno,

E me fai boufa lei det;

Certo iéu siéu bèn en peno,

Ai pou de mouri de fre;

- Hou de l'oustau!

- Quau pico avau?

- Voudriéu louja.

- Sian tous couija !

- Granjiero ! granjiero !

Durbès-me, siéu tout jala ; boutas-me dins la feniero !

Hélas î moun Dieu î  
Que farai iéu ?  
Lou paure ! vounte tirarai ?  
Belèu mourrai,  
Belèu mourrai.

Tourro-louro-louro! Lei ribiero  
An dija tout inounda;  
Vese plus rên lei boutiero,  
Belèu ma faudra neda...

- Quauque barquet
- N'i'a pas deque !
- Vount passarai ?
- Certo noun sai !
- Sauvaire ! Sauvaire !

Tu n'as ges de carita, n'es pas ansin que fau faire.

Hélas ! moun Dieu !  
Que farai iéu ?  
Lou paure ! vounte passarai ?  
Me negarai !  
Me negarai !

Tourro-louro-louro! Pèr fourtuno,

Siéu sourti d'un michant pas;

La pode coumta pèr uno !

Enfin ai trouba lou jas.

- Bonjour à tous !

- Amai à vous.

- E que fasès ?

- Vous lou vesès.

- Mario! Mario!

Vous estrugue d'un bèu fiéu, lou véritable Messio.

Bon Sant Jôusè,

Se me crese,

Me farès vèire aquel enfant

Qu'iéu âme tan,

Qu'iéu âme tan.